

18 sept 2005 KYRKOVAL

Girkoválggat čakčamánu 18. beaivvi. Don ieš válljet.

Ruota girkus leat sullii 7 miljovna miellahttu geat háliidit leahkit mielde ja váldit ovddasvástádusa, ovddidit ja hábmet girku boahteáiggi. Čakčamánu 18. beaivvi leat miellahttuin geat leat deavdán 16 jagi ja leat čálihuvvon Ruotas vejolašvuohta leahkit mielde ja váikkuhit geat galget oažžut luohhtamuša stivret Ruota girku njeallje jagi ovddosguvlui.

Ruota girku doaibma lea viiddis ja gokčá ollu. Girku háliida leahkit sadjin jearaldagaide ja ságastallamiidda, sadjin gos oktavuoha, vuoigŋalašvuohta ja Ipmila lagašvuohta deaivvadit.

Girkun mii addá doaivvu ja doaibmá juohke olbmo vuoigŋalaš dearvvašvuođa ovddas. Rabas ja lagaš Girkun mii veahkeha olbmoid geat dárbbasit veahki. Gos risttalaš ja olmmošlas árvovuoddu šaddá duohtan praktihkalaččat, sihke dáppe ruovttus ja olgoriikkas, ilus ja morrašis, árgabeaivvis ja bassebeavvis.

Gosa Ruota girku galgá bidjat fámus?

- | | |
|--|---|
| <i>– Gávndnot go lihkushisvuođat ja roasut leat dáhpáhuvvan?</i> | <i>– Guossástallat boarrasiid, skihpa ja oktonas olbmoid?</i> |
| <i>– Gásttahit, konfirmeret, vihahit ja hávdádit?</i> | <i>– Birasbargui?</i> |
| <i>– Vuoigŋalaš gávppašeapmái?</i> | <i>– Musihkkadoaibmaide mánáide ja nuoraide?</i> |
| <i>– Báhtareaddji jearaldagaide?</i> | <i>– Fuolahit girkoráhkadusaid?</i> |
| <i>– Ávvudit juovllaid, beassážiid ja hellodagaid?</i> | <i>–?</i> |

18 sept 2005 KYRKOVAL

Girkoválggain čakčamánu 18. b. don válljet gosa Ruota girku galgá bidjat fámu lagamuš njeallje jagi. Geasa attát luohttamuša?

Válgabeaivvi don jienastat jienastangoarttas namahuvvon válgalanjas maid oáččut ruktui boastta bakte mañemusat borgemánu 31. b.. Dasa lassin das čuožžu maddái jus gávdnojit sierra jienastanvuostáiváldinbáikkid válgabeaivvis.

Girkoválggain leat golbma dehe njeallje válgga

Girkoválggain don jienastat golbma dehe njeallje válggain, dan mielde makkár báikkálaš organisašuvdna lea dan searvegottis masa don gullot.

1) GIRKU ALIMUS STIVRA DEHE NJUOLGGAVÁLLJEJUVVON GIRKORÁÐÐI

Dás giedahallojuvvojit áššit mat gullojit searvegotti eallimii, o.m.d. doaibma mii jodihuvvo ja makkár ulbmiliid searvegoddi galgá ollašuttit.

2) SEARVEGODDEOVTTASTUS

Dávjá barget mánga searvegotti ovtta ruhta- ja hálddašanáššiin. Searvegoddeovttastus mearrida návccaid, gittaopmodaga ja seammásullasaš áššiid birra.

3) BISMÁGOTTI ÁIRRASGODDI

Ruota girku lea juhkojuvvon golbmanuppilohkái bismágoddái. Juohke bismágoddi jodihuvvo bismmáš. Bismágoddi galgá o.m.d. doarjut searvegottiid ovddidit doaimmaideaset.

4) GIRKOČOAHKKIN

Girkočoahkkin lea Ruota girku alimis mearrideaddji orgána 251 áirasiin. Dás mearriduvvojit oktasaš áššit, mat o.m.d. gusket girku njuolggadusaide ja gást-tahan-, rihppaskuvla-, vihahan- ja hávdádusáššiide.


Oainnát jienastangoarttas majn válggain sáhtát jienastit.

18 sept 2005 KYRKOVAL

Girkoválggain leat golbma dehe njeallje válgga

Jus dus lea njuolggus jienastat golbma dehe njeallje válggain, de jienastat Girkočoahkkín- ja bismágotti áirrasgotti válggain ja maiddáí ovttá dehe guovtti báikkálaš válggain dan mielde jus searvegoddi gullo searvegoddeovttastussii vai ii.

NÁ DAT
DOAIMMÁ



Ránes ruođut = orgánat maid mii välljet girkoválggain.

Ollásit devdo-juvvon devdojuvvon vilges ja ránes ruođut = mearrideaddji orgánat.

Ruođut main leat viivvat = doaibmaheadji orgánat.

Njuolggoválggain välljejuvvon girkoráđđi lea sihke mearrideaddji ja doaibmaheadji orgána.

18 sept 2005

KYRKOVAL

Jienasteapmi

Jienastanvuohki lea sullii seammálágán go eará almmolaš válggain. Don fertet geavahit jienastangoartta jus jienastat ovdal válgabeaivvi ja jus don jienastat sierra jietnavuostáiváldinbáikkis. Váikko jienastat válgalanjas dus ferte leat jienastangoarta mielde.

VÁLGABEAIVVIS ČAKČAMÁNU 18. BEAIVVI

VÁLGALANJAS

Jienastangoarttas čuožžu man válgalanjas don sáhtát jienastit ja rahpanáiggit.

SIERRA JIETNAVUOSTÁIVÁLDINBÁIKKIIN

Muhtomin gávdnojit maiddá sierra jietnavuostáiváldinbáikkis, jus dakkárat gávdnojit válgabeaivvis de čuožžu jienastangoarttas leat dieđut báikki ja áiggiid birra.

OVDAL VÁLGABEAIVVI

DOAIMMAHAGAT OLLES RIIKKAS

Gaskal čakčamánu 5. ja 14. beivviid don sáhtát jienastit ovddalgihtii searvegodedoaimmahagain olles riikkas. Váldde aktavuoda searvegottiin gos áiggit jienastit jus dárbbasat eanet dieđu.

SIERRA JIETNAVUOSTÁIVÁLDINBÁIKKIT

Sáhttet maiddá gávdnot sierra jietnavuostáiváldinbáikkis mat leat rahpasat ovddalgihtii jienasteami várás. Váldde aktavuoda iežat searvegottiin vai beasat diehtit makkár vejolašvuodas leat.

JIENASTIT REIVVE BAKTE

Nubbi vuohki jienastit ovddalgihtii lea reivve bakte. Dalle don dárbbasat ”reivejienastanpakehta”, dan don ieš dingot iežat searvegodedoaimmahagas. Das leat visot maid don dárbbasat, earret eará guorus válgalihput maid ieš beasat deavdit. Dábálaččat don goitge sáhtat oazžut válmmasit devdojuvvon válgalihpuid dan nominerenjoavkkus masa áiggit jienastit. Du reivejietna ferte ollet ovdal čakčamánu 14. beaivvi.

JIENASTEAPMI ÁIRRASA BAKTE

Jienasteapmi áirrasa bakte dáhpahuvvá sullii seammáláhkai go reivve bakte muhto lea vuosttažettiin oavvilduvvon daidda geat leat áigun jienastit válgalanjas muhto leat eastašuvvan válgabeaivvis. ”Reivejienastanpakehta” sisdoallá maiddá visot maid don dárbbasat áirrasjienasteami várás.

18 sept 2005 KYRKOVAL

Geaidda sáhtát jienastit?

Girkoválggain don jienastat nominerenjovkkui, mij vástida bellodaga almmolaš válggain.

Sáhtát maiddá persuvnna ala jienastit. Dat mearkkaša ahte don bijat ruossa dan evttohasa ovdii nominerenjoavkku listtus maid eanemusat háliidat galgá beassat sisa.

Válgaboadus

Ruovttusiiddus www.svenskakyrkan.se oainnat gaskaboddosaš bohtosiid bidjovvot sisa dadi mielde go jienat rehkenastovvojit čoahkkái maŋnel go leat válgalanjaid dahppan. Loahpalaš boadus almmuhuvvo earret eará ruovttusiiddus go bismágotit leat dárkistan visot jienaid.

Don, geas lea njuolggus jienastit, oaččut jienastangoarttat ruktui boasttain maŋemusat borgemánu 31. beaivvi. Jienastangoarttas gávdnojit du persovnnalaš dieđut ja das čuožžu maiddá makkár válggain don beasat jienastit, goas ja gos.

Jus leat láhpan jienastangoartta dehe jus das leat boasttu dieđut, váldde aktavuoda Girkostivrrain, Svenska Kyrkan, 751 70 Uppsala, 018-16 96 00 (Diehtujuohkinbálvalus) dehe diŋgo odđa goartta ruovttusiiddu bakte; www.svenskakyrkan.se son gii ii leat ožžon jienastangoartta muhto oaivvilda ahte sus lea njuolggus jienastit galgá maiddá váldit aktavuoda Girkostivrrain.

Jienastangoarta sáddejuvvo dan čujuhussii gos leat čáliuvvon. Duppál jienastangoarta fáksejuvvo searvegoddái gos jienastat ja Ruota Girku olgoriikkasearvegotiide.